



TOSHKENT DAVLAT YURIDIK UNIVERSITETI REKTORINING B U Y R U G ' I

17.03.2025

225-tm-son

Talabaga hayfsan e'lon qilish to'g'risida

Bugungi kunda universitetda zamonaviy talablar, ilg'or xalqaro yuridik tajriba va mehnat bozori ehtiyojlari asosida yuqori malakali, ijodiy fikrlaydigan, halol kadrlar tayyorlashni ta'minlash va klinik yuridik ta'limni rivojlantirish yo'li bilan o'quv jarayoni va huquqni qo'llash amaliyoti o'rtasida uzviy aloqani ta'minlash maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet rektori buyruqlari, Odob-axloq kodeksi hamda boshqa hujjatlarni buzish holatlari kuzatilmoqda.

Jumladan, Universitet rektorining 2025-yil 30-yanvardagi "Toshkent davlat yuridik universitetining bakalavriat bosqichi kunduzgi ta'lim shakli 4-bosqich talabalarining 2024/2025-o'quv yili bahorgi semestri davomida bitiruv malakaviy amaliyotini tashkil etish to'g'risida"gi 90-tm-son buyrug'iga muvofiq Xalqaro huquq va qiyosiy huquqshunoslik fakulteti 4-kurs talabalari 2025-yil 10-fevraldan 23-aprelgacha bitiruv malakaviy amaliyotini tegishli tashkilotlarda o'tashi belgilangan.

Universitet rektorining 2025-yil 30-yanvardagi "Toshkent davlat yuridik universitetining bakalavriat bosqichi kunduzgi ta'lim shakli 4-bosqich talabalarining 2024/2025-o'quv yili bahorgi semestri davomida bitiruv malakaviy amaliyotini tashkil etish to'g'risida"gi 90-tm-son buyrug'iga muvofiq dekanat tomonidan bitiruv malakaviy amaliyot rahbarlari bilan birgalikda talabalarga bitiruv malakaviy amaliyotning tashkil etish tartibi, amaliyot o'taladigan tashkilotlarning ichki tartib qoidalariga qat'iy rioya qilishi yuzasidan tushuntirish olib borilishi belgilangan.

Shuningdek, "Yuridik ta'lim muassasalari (harbiy, maxsus oliy ta'lim muassasalaridan tashqari) talabalari tomonidan tanishtiruv va bitiruv malakaviy amaliyotni, shuningdek stajirovkani o'tash tartibi to'g'risida"gi nizomning (ro'yxat raqami 2548) 16⁴-bandiga muvofiq talaba bitiruv malakaviy amaliyotni o'tashda qabul qiluvchi tashkilotning ichki mehnat tartib qoidalari va xodimlari faoliyatining tartibini belgilovchi hujjatlarga rioya qilishi shartligi belgilangan.

Jizzax viloyat, Sharof Rashidov tuman prokuraturasining 2025-yilning 6-martdagi 17-2-02/25-sonli xatiga muvofiq Xalqaro huquq va qiyosiy huquqshunoslik fakultetining 4-kurs talabasi Primov Islom Mamadiyor o'g'li bitiruv malakaviy amaliyotini o'tash davrida o'zining yomon xulq-atvori va ish o'rganishga ishtiyoqi yo'qligi ko'rsatilgan. Xususan, 2025-yilning 27-fevral va 3-mart kunlari hech qanday sababsiz tuman prokuraturasiga kelmagani va talabadan

nima sababdan ish o'rganishga kelmaganligi so'ralganda, hech kimga hisob bermasligini va o'ziga birlashtirilgan hodimga hisob berishini ma'lum qilgan. Talaba I.Primov o'zidan katta yoshdagi hodimlarga nisbatan qo'pol muomalada bo'lganligi hamda prokuratura organlari hodimlariga qo'yilgan talablarni o'zida aks ettira olmaganligi uchun Sharof Rashidov tuman prokuraturasida amaliyot o'tashdan chetlashtirilgani, unga nisbatan universitet ichki tartib-qoidalariga muvofiq munosabat bildirish so'ralgan.

Talaba mazkur holat yuzasidan o'z tushuntirish xatida amaliyotga bormaganligini tasdiqlagan.

Xalqaro huquq va qiyosiy huquqshunoslik fakultetining 4-kurs talabasi Primov Islom Mamadiyor o'g'li mazkur harakatlari bilan Universitet rektorining 2025-yil 30-yanvardagi "Toshkent davlat yuridik universitetining bakalavriat bosqichi kunduzgi ta'lim shakli 4-bosqich talabalarining 2024/2025-o'quv yili bahorgisemestri davomida bitiruv malakaviy amaliyotini tashkil etish to'g'risida"gi 90-tm-son buyrug'i, "Yuridik ta'lim muassasalari (harbiy, maxsus oliy ta'lim muassasalaridan tashqari) talabalari tomonidan tanishtiruv va bitiruv malakaviy amaliyotni, shuningdek stajirovkani o'tash tartibi to'g'risida"gi nizomning (ro'yxat raqami 2548) 16⁴-bandiga muvofiq qabul qiluvchi tashkilotning ichki mehnat tartib qoidalar va xodimlari faoliyatining tartibini belgilovchi hujjatlarga rioya qilish tartibini buzgan.

Yuqoridagilarni inobatga olgan holda Universitet rektorining 2025-yil 30-yanvardagi 90-tm-son buyrug'i, "Yuridik ta'lim muassasalari (harbiy, maxsus oliy ta'lim muassasalaridan tashqari) talabalari tomonidan tanishtiruv va bitiruv malakaviy amaliyotni, shuningdek stajirovkani o'tash tartibi to'g'risida"gi nizomning (ro'yxat raqami 2548) 16⁴-bandiga hamda universitetning Ichki tartib qoidalar 83-bandiga asosan

BUYURAMAN:

1.Universitet rektorining 2025-yil 30-yanvardagi 90-tm-son buyrug'i, "Yuridik ta'lim muassasalari (harbiy, maxsus oliy ta'lim muassasalaridan tashqari) talabalari tomonidan tanishtiruv va bitiruv malakaviy amaliyotni, shuningdek stajirovkani o'tash tartibi to'g'risida"gi nizomning (ro'yxat raqami 2548) 16⁴-bandi talablarini buzganligi uchun Xalqaro huquq va qiyosiy huquqshunoslik fakultetining 4-kurs talabasi Primov Islom Mamadiyor o'g'liga hayfsan e'lon qilinsin.

2.Fakultet dekani (D.Umarxanova) mazkur buyruq mazmun-mohiyatini talabalar e'tiboriga yetkazilishi va keng muhokama qilinishini ta'minlasin.

3.Xalqaro huquq va qiyosiy huquqshunoslik fakulteti dekani (D.Umarxanova):

mazkur talabani shaxsiy hujjatlar yig'majildiga buyruq nusxasi tikilishini ta'minlasin;

boshqa nojo'ya xatti-harakat takror sodir etilsa, talabani talabalar safidan chetlashtirish mumkinligi to'g'risida ogohlantirsin.

4.Mazkur buyruq bajarilishini nazorat qilishni o'z zimmasida qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

D.UMARXANOVA

**Kelishildi:**

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV



Boshqarma boshlig'i

S.BOZAROV



Bo'lim boshlig'i

J.AXMEDOV



Katta yuriskonsult

A.TURSUNOV

